

REFLEXIONOU

CHRISTEN

VAR

REVOLUTION FRANÇ,

RIMET

EVIT INSTRUCTION AR VRETONET,

Gant an A. Day,

PERSON PERROS-GUIREC,

Ëpad e exil e Brô-Sauz.

*Convenerunt in unum adversus Dominum et
adversus Christum ejus. (Ps. 2.)*



**E MONTRouLEZ,
EUS A IMPRIMERI LÉDAN.**

— 1856. —

— 117 —

Penaus e meus me gallet hoc'h ancouât, va zad ?
 Ah ! n'ho poa grêt em c'hever biscoas nemet peb mat ;
 Va c'hroui, va c'honservi, ha digass d'am prena
 Ho Mab, deus ho complesanç an objet santela.

C'houi eo an urz eternal, ar Mestr oll-buissant,
 Sourcen ar berfection, ha me poultr ha neant,
 A meus troublet an urz-se, manqet d'ho servichi,
 Ha neglijet d'ho carout evel un etourdi.

Pardon, va Mestr binniguet : ar vez, ar garante
 Hac ar remors assambles a occup va ene.
 Me voar e rit ur miracl o tont d'am acquitta ;
 Mes ur miracl evidoc'h a so nebeut a dra.

Castiit, sqòit er bed-mâ ; n'en deo qet ho tolliou,
 Mes aoun d'ho coll, va Doue, a ra din squill daelou :
 Chatimant a veritàn, a acceptàn memes,
 Rac ho justic a garàn evel ho madeles.

Sònjit òn ho crouadur, ha dre adoption
 Unan deus ho pugale ; va c'hred, va c'haution
 Eo Jesus-Christ e-unan, ho Mab muia-caret :
 N'en doc'h evit refusi netra en e reqet.

Nan, birviqen, va Doue, deus ho misericord
 Va ene na zizesper, pa meus evit support
 Jesus, va mediator : mar deo bras va fec'het,
 Brassoc'h eo e veritou. Va accord a so grêt.

— 116 —

En speret a binigen recevit ho clévet,
Da expia pec'hejou ho puez tremenet.
Redoublit hoc'h esperanç, nevezait ho Fe,
Ha grit alies actou a garante Doue.

Hep gortos na vez arru hoc'h amzer diveza,
Pa vo poent testamanti, goulennit da guenta
Sermant deus ho pugale, ma vint a re a re
Catholiget eveldoc'h ha fidel d'ar güir Fe.

Pa deuyo dêc'h anduri caouajou poan grevus,
En ho torn ar Grucifi, poqit da dreid Jesus,
Hac ho poanniou unissit gant re e bassion;
En em excitit neuze d'ar güir gontrition.

Lavarit gant confianç ha gant ur feiz parfet
Dêc'h oc'h-unan; Va Doue, pa n'am eus eur bêleg,
Ec'h anzavàn va c'hrimou ha va direglamant;
N'am list qet da berissa var default Sacramant.

Evel ar paralitiq, d'am goalc'hi er pincin
Ne meus den; mes, va Doue, c'houi so ur medecin
Hep applica remejou a rent salo an oll:
Sellit ouzàn a druez, ha n'am list qet da goll.

Me ho car a vir galon, hac a so glac'haret
Da veza bet ur moment memes hep ho caret.
Ho madelez infinit, va buez sacrilech,
Ho touçder ha va maliç am eston bep eil guech.